



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 415
fax. +387 33 726 414
e-mail: info@voda.ba

Broj: UP-1/21-3-40-353-6/23
Datum: 02.10.2023.

«Agencija za vodno područje rijeke Save» Sarajevo rješavajući po zahtjevu korisnika JKP "Gradina" doo Donji Vakuf za izdavanje vodne dozvole za zahvaćanje vode na izvoristu Slatina u svrhu vodoopskrbe pitkom vodom potrošača na području općine Donji Vakuf, na osnovu člana 109. stav 1. točka 1. Zakona o vodama («Službene novine Federacije BiH», broj 70/06) i člana 200 stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola korisniku JKP "Gradina" doo Donji Vakuf, za zahvaćanje vode na izvoristu Slatina u količini od cca 15 l/s u svrhu osiguranja potrebnih količina vode za piće stanovništva i privrede općine Donji Vakuf.
2. Vodozahvatna građevina (kaptaža,) nije određena katastarskom česticom već se nalazi unutar Ia zaštitne zone površine 7854 m² i obujma od 314 m, definirane koordinatama:

Oznaka točke	X	Y
Ia.1	4.887.500,52	6.447.540,49
Ia.2	4.887.450,52	6.447.490,49
Ia.3	4.887.400,52	6.447.540,49
Ia.4	4.887.450,52	6.447.590,49

3. Vodna dozvola se daje na osnovu dostavljene dokumentacije, utvrđenog činjeničnog stanja prilikom vršenja uviđaja i uz slijedeće uvjete:
 - 3.1 Da se vodozahvatni objekt održava u funkcionalnom stanju u skladu sa njegovom prirodom i namjenom, izdanim vodnim aktom i općim aktom o održavanju, korištenju i osmatranju vodnog objekta i postupanju u slučaju kvara ili havarije na objektu na osnovu člana 20. stav 4. Zakona o vodama («Službene novine Federacije BiH», broj 70/06) i Pravilnikom o minimumu sadržaja općeg akta o održavanju, korištenju, promatranju vodnih objekata („Sl. novine Federacije BiH” broj: 97/19).
 - 3.2 Da se u cilju kontrole, evidencije i plaćanja količina zahvaćene vode vrši redovno mjerenje količina zahvaćene vode, a mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima. Mjerenje količina zahvaćene vode osigura atestiranim vodomjerima čije funkcioniranje i točnost se može jednostavno provjeriti. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH” br. 83/08).
 - 3.3 Korisnik predmetnog objekta je dužan osigurati stalni i sistemski pregled vode i poduzimati mjere za osiguranje zdravstveno ispravne vode za piće sukladno sa Pravilnikom o zdravstvenoj ispravnosti vode za piće ("Službeni glasnik BiH", 40/10, 43/10, 30/12 i 62/17), te osigurati tehničku ispravnost ugrađene opreme (crpke, vodomjeri, zatvarači, klorinator itd.).
 - 3.4 Kontrolu-ispitivanja kvaliteta vode za potrebe vodoopskrbe vodom za piće stanovništva mogu vršiti ovlaštene laboratorije, u skladu sa članom 48 stav 3. Zakona o vodama.

- 3.5 Ukoliko se u slučaju redovnih ili izvanrednih analiza i kontrola kvaliteta vode iz ovog vodovodnog sistema utvrdi da ista ne zadovoljava uvjete vode za piće propisane Pravilnikom o zdravstvenoj ispravnosti vode za piće, vodovodni sistem treba isključiti iz upotrebe odnosno blagovremeno, na adekvatan način, obavijestiti krajnje potrošače da voda nije za piće.
- 3.6 Da se vrši stalna dezinfekcija vode kloriranjem kao i kontrola rezidualnog klora u pitkoj vodi u gradskoj – distributivnoj mreži.
- 3.7 Da se uredno vodi dnevnik rada u koji će se unositi podaci o postupku klorinacije i potrošnje svih kemikalija, da se isti skladišti samo u prostoriji klorne stanice, te da se vrši redovna kontrola uskladištenih kemikalija i osiguraju svi potrebni uvjeti u cilju sprečavanja zagađenja površinskih i podzemnih voda uskladištenim materijama.
- 3.8 Korisnik je dužan vršiti redovitu kontrolu uskladištenih kemikalija i osigurati takve uvjete koji će spriječiti zagađenje površinskih i podzemnih voda uskladištenim materijama, odnosno, osigurati moguće isticanje hlora iz objekata i iz posuda, odgovarajućim tankvanama. Također je dužan osigurati adekvatan apsorber za prikupljanje kemikalija u slučaju incidentnog izlijevanja.
- 3.9 U cilju utvrđivanja zone sanitarne zaštite i provođenja mjera zaštite izvorišta «Slatina», korisnik Vodne dozvole mora poduzeti sve neophodne aktivnosti u cilju provedbe Pravilnika o utvrđivanju uvjeta za određivanje zona sanitarne zaštite i zaštitnih mjera za izvorišta vode za javno vodoopskrbu («Službene novine Federacije BiH», broj 88/12) i donošenjem Odluke o zaštiti izvorišta za piće „Slatina“ i istu uskladiti sa navedenim pravilnikom, te se pridržavati svih odredaba spomenutog Pravilnika, donesenog od strane Federalnog ministarstva poljoprivrede, vodoprivrede i šumarstva.
- 3.10 Za vrijeme trajanja ovog rješenja za izgrađene objekte ishoditi upotrebnu dozvolu od nadležne institucije za sve objekte koje su u sustavu predmetnog vodosustava.
4. Ukoliko radom predmetnog objekta dođe do promjene režima voda, a te promjene prouzrokuju štete ma kakvog karaktera, korisnik je dužan uzroke štete otkloniti, a nastale štete nadoknaditi.
5. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170. stav (1) tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).
6. Izgrađeni objekt se može koristiti samo u skladu sa njegovom namjenom prema projektnoj dokumentaciji i pribavljenim suglasnostima.
7. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom..
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
9. Ovo Rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
10. Prava stečena na osnovu ove vodne dozvole ne mogu se prenositi na treća lica, a ista se mogu izmijeniti u zakonom propisanim slučajevima.
11. Korisnik vodne dozvole je dužan da prije isteka važnosti ove vodne dozvole podnese zahtjev za izdavanje nove vodne dozvole.

Obrazloženje

Svojim zahtjevom JKP "Gradina" doo Donji Vakuf, podnio je ovoj Agenciji zahtjev za izdavanje Vodne dozvole za zahvaćanje vode na izvoru «Slatina» u cilju vodoopskrbe pitkom vodom potrošača na području općine Donji Vakuf.

Uz zahtjev dostavljena je sljedeća dokumentacija:

- Ovjerena kopija Aktualnog izvoda iz sudskog registra, broj: 051-0-RegZ-001069 od 28.7.2023 god., izdana od Općinskog suda u Travniku SBK.
- Ovjerena kopija uvjerenja o poreznoj registraciji od 20.03.2014. izdana Kantonalnog poreznog ureda u Novom Travniku.
- Ovjerena kopija Obavještenja o razvrstavanju pravnog lica prema klasifikaciji djelatnosti broj:07-32.5-68066/13 od 14.08.2013 god. izdana od Službe za statistiku za područje srednjobosanskog kantona Travnik.
- Elaborat o zaštiti izvorišta za piće Slatinska vrela izrađen od OIKOS d.o.o. Sarajevo. iz 10-11/2009.god.
- Pravilnik o održavanju, korištenju i osmatranju vodovodnog sistema Donji Vakuf broj:01-06-303/11 od 12.03.2011 god izdan od JKP "Gradina" doo Donji Vakuf.
- Dokaz o uplaćenju upravnoj taksi i Zaključku o posebnim troškovima.
- Dostava informacija o prikupljenoj dokumentaciji izdana od JKP "Gradina" Donji Vakuf od 22.09.2023 god..
- Odluku općinskog vijeća o zaštiti izvorišta i proglašenju vodozaštitne zone izvorišta „Slatina“ (Sl.glasnik 5/11).
- Izvještaj o ispitivanju vode za piće br.3531/23 izdata od Zavoda za javno zdravstvo SBK/KSB Travnik od 14.08.2023 god..
- Elaborat o zaštiti JKP "Gradina" Donji Vakuf Izvorište Slatina, broj dokumenta:01-06-299/23 izdata u Zenici 11/2022 god..
- Glavni projekat Kaptaža i cjevovod Slatinska rijeka Donji Vakuf izrađena od Energoinvesta, Sarajevo juli 1999 god..
- Glavni projekat proširenja vodovodnog sistema u općini Donji Vakuf Knjiga 2 Rezervoar Rudine V=2x500 m³ izrađena od Zavoda za vodoprivredu d.d. Sarajevo, Sarajevo februar 2006 god..

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak vodozahvata na izvoru Slatina i tom prilikom je sačinjen zapisnik o uviđaju broj: UP-1/21-3-40-353-5/23 od 26.9.2023. u kojem je konstatirano sljedeće:

Izvorište Slatinska vrela nalazi se na teritoriji općine Donji Vakuf u zoni Slatinske rijeke. Kaptaža izvorišta Slatinskih vrela izrađena je na samom izvorištu Slatinske rijeke na 731 m n.m.. Izvorište Slatinska vrela ima ukupni kapacitet od 70 l/sec od čega JKP "Gradina" doo zahvata 14-15 l/sec. Sa kaptaže izvorišta Slatinska vrela voda se gravitaciono transportuje cijevima PEHD Ø 315 u dužini od 7.934 m' (dovodni cjevovod Slatina, ukupna dužina 9.662 m') do rezervoara u naselju Rudina na 582,5 m n. m..

Elaboratom o zaštiti izvorišta Slatinska Vrela, određene su tri zaštitne zone i to I. zaštitna zona kao zona strogog i najstrožijeg režima zaštite, II. zona ili zona ograničenog režima zaštite i III. zona, zona blagog režima zaštite.

I. vodozaštitna zona je ograđena zaštitnom ogradom u obujmu od 314 m i u njoj se nalazi vodozahvatni objekt i dio transportnog cjevovoda.

Izvještaj o ispitivanju vode za piće provodi Zavod za javno zdravstvo SBK/KSB Travnik.

Točkom 5. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Podnosilac zahtjeva JKP "Gradina" doo Donji Vakuf je dužan da u skladu sa člankom 44. Zakona o geološkim istraživanjima Federacije BiH („Službene novine Federacije BiH“ broj 9/10 i 14/10) izradi i dostaviti na reviziju Federalnom ministarstvu energije, rudarstva i industrije elaborat o klasifikaciji, kategorizaciji i proračunu rezervi podzemnih voda u istražnom, odnosno eksploatacijskom polju.

Na osnovu provedenog postupka, a prema članku 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata JKP "Gradina" doo Donji Vakuf ovom su vodnom dozvolom, u točki 3. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata. Konstatira se da je podnosilac zahtjeva JKP "Gradina" doo Donji Vakuf ispunio minimum uvjeta za izdavanje vodne dozvole za zahvat vode u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području dijela općine Donji Vakuf, te je riješeno kao u dispozitivu ovog rješenja.

Pouka o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Marko Barić, dipl.ing.grad.

Po ovlaštenju

Rukovodilac Sektora za izdavanje vodnih akata



Ališehović Haris, dipl.inž.grad.

Dostaviti:

- 770 sl.br.brigada br.15 70220 Donji Vakuf
- AVP-ISV-Vodna knjiga
- Sektor 50
- ⊖ Sektor 40, arhiva
- Oglasna ploča AVP SAVA